



Ք Ա Ղ Վ Ա Ծ Ք Ն Ե Ր

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԻՍՏԵՐԻ ԱՐՁԱՆԱԳՐՈՒԹՅՈՒՆՆԵՐԻՑ

1960 թ. ԱՊՐԻԼ 22-ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ սույն նիստում գտնականության մասին ծանոթացավ Վեհափառ Հայրապետի սիրո և միության սրբատառ նոր կոնդակի գրության՝ Անթիլիասի Աթոռի հետ բանակցությունների վերաբերյալ համար, հոգուտ Սփյուռքի եկեղեցական միասնության վերականգնման և հայ կյանքի խաղաղության:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ, ԵՐՈՍԱՊԵՏԻ ՀԱՅՈԿ Պատրիարքության շուրջ ստեղծված նոր կացությունը հանգամանորեն ուսումնասիրելու և Մայր Աթոռին ու Վեհափառ Հայրապետին մանրամասն ու ճշգրիտ զեկուցագիր ներկայացնելու համար, որոշեց հանուն Մայր Աթոռի պատվիրակության ուղարկել Երուսաղեմ և Բեյրութ: Պատվիրակությանը կզխավորի Հոգևոր Ճեմարանի վերատեսուչ գերաշնորհ Տ. Հայկադուն եպիսկոպոս Աբրահամյանը:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ սույն նիստում որոշեց հայտարարել փակ մրցանակաբաշխություն՝ Մայր Տաճարի իջման Ս. Սեդանի բարձրաքանդակների նախագծի պատրաստության մասին, որտեղ պատկերված կլինեն Ս. Գրիգոր Լուսավորչի տեսիլքը, Ս. Մեսրոպ Մաշտոցի, Վարդան Մամիկոնյանի և Ղևոնդ երեցի կերպարները:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն նիստում Մայր Աթոռի 1959 թվականի ամփոփ բյուջեի կատարողականի մասին զեկուցեց Մայր Աթոռի ֆինանսական բաժնի վարիչ և գլխավոր հաշվապահ Գառնիկ Քեհայանը:

Գերագույն Հոգևոր Խորհուրդը, զեկուցումը ընդունելով ի գիտություն, հանձնարարեց Վերստուգիչ հանձնաժողովին ստուգել բոլոր ծախսերը ըստ հոդվածների և ներկայացնել Գերագույն Հոգևոր Խորհրդին:

Ապա սույն նիստում Մայր Աթոռի 1960 թվականի ամփոփ նախահաշիվի մասին զեկուցեց նորից Մայր Աթոռի ֆինանսական բաժնի վարիչը:

Հետ քննության, Գերագույն Հոգևոր Խորհուրդը որոշեց հաստատել 1960 թվականի ամփոփ նախահաշիվը՝ մի շարք դիտողություններով:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն նիստում կազմվեց Մայր Աթոռի շրջափակում և նրանից դուրս կատարվող շինարարական աշխատանքները հսկելու համար հատուկ հանձնախումբ, որի կազմի մեջ ընտրվեցին գերաշնորհ Տ. Սահակ արքեպիսկոպոսը, Գերագույն Հոգևոր Խորհրդի անդամ Ա. Աղաջանյանը և Վերստուգիչ հանձնաժողովի անդամ Ե. Ալեքսանյանը:

1960 թ. ՄԱՅԻՍԻ 6-ի ՆԻՍԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն նիստում Վեհափառ Հայրապետը հաղորդեց Ամերիկայի Միացյալ Նահանգները կատարելիք իր ուղևորության մասին՝ ընդառաջելու համար ամերիկահայ թեմերի պաշտոնական, ջերմ հրավերներին:

Վեհափառ Հայրապետը, արտասահման կատարած իր հովվապետական ուղևորության ընթացքում, կայցելի Հյուսիսային և Հարավային Ամերիկաների հայ գաղութները:


Այս ուղևորության ժամանակ Վեհափառ Հայրապետին կընկերանան Վրաստանի հայոց թեմակալ առաջնորդ գերաշնորհ Տ. Կոմիտաս եպիսկոպոս Տեր-Մտեփանյանը, Մայր Աթոռի փոխ-լուսարարապետ հոգեշնորհ Տ. Ծղիշե վարդապետ Սարգսյանը որ-

պես գավազանակիր և Մայր Աթոռի դիվանապետ պր. Հ. Առաքելյանը:

Գերագույն Հոգևոր Խորհուրդը գոհունակությամբ ընդունեց Վեհափառ Հայրապետի այս հաղորդումը և այն գնահատեց որպես Հայ եկեղեցու և Սփյուռքի հայ կյանքի խաղաղության, միասնության և համերաշխության ազնիվ նպատակով կատարվող հովվապետական առաքելություն:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ միևնույն նիստում որոշում ընդունեց մասնավոր կողով դիմել Սփյուռքի ազգային-եկեղեցական մարմիններին, մշակութային հաստատություններին, մամուլին՝ Մայր Աթոռի թանգարանը հնագիտական, եկեղեցական արվեստի վերաբերյալ նոր ցուցանմունքներով հարստացնելու համար:





«ՀԱՅԱՍՏԱՆԻ ՏԻՐԱՄԱՅՐ»-Ը ՄԱՅՐ ՏԱՃԱՐԻ ԱՎԱԳ ՍՈՒՐԲ ՍԵՂԱՆԻ ՎՐԱ